



Sauda Høgres program 2023-2027

Behandla og vedteke tysdag 18. april 2023

Innhald

Kapittel 1: Sauda Høgre sine verdiar og hovudføremål.....	3
Kapittel 2: Helse, pleie og omsorg	4
Kapittel 3: Skule og oppvekst	5
Kapittel 4: Bulyst.....	6
Kapittel 5: Næring og samfunn	7
Kapittel 6: Idrett, frivilligheit og reiseliv	7
Kapittel 7: Klima og miljø	8
Kapittel 8: Landbruk	9
Kapittel 9: Samferdsle	10
Kapittel 10: Born og ungdom.....	10
7 gode grunner for å røysta Høgre.	11

3 Kapittel 1: Sauda Høgre sine verdiar og hovudføremål

4 Sauda er ein fantastisk stad å bu, vekse opp og leve. Høgre vil bevara det som er
5 godt i Sauda, men vi ynskjer også så utvikle kommunen slik at den best mogleg
6 kan møte framtidens utfordringar og moglegheiter.

7 Me ynskjer å ta vare på og utvikle det beste i samfunnet. Det ligg eit ansvar på
8 dei som styrer å ta vare på det som er no og gje dei som kjem etter oss best
9 moglege føresetnader. Vala me tar skal ikkje berre komme dagens saudabu til
10 gode, men og vere til det beste for dei som kjem etter oss.

11 Skulen skal vera ein stad der alle høyrer heime, føler på meistring og utviklar
12 gode sosiale band. Me skal ha gode kvalifiserte lærarar og ha eit sterkt fokus på
13 tidleg innsats innan norsk, engelsk og matematikk. Me ynskjer og at
14 ungdomsskulen skal ha eit godt tilbod for elevar som ynskjer å prate med nokon,
15 og vil leggje til rette for ei auke av timar tilgjengeleg hjå helsesjukepleiar. I
16 tillegg ser me at det trengs fleire fagprofesjonar inn i skulen for å styrkja teamet
17 rundt eleven.

18 Høgre vil at Saudabuen skal leve *heile* livet, og at lokalsamfunnet vårt er lagt til
19 rette for at flest mogleg skal kunne bu heime så lenge dei kan og vil. Sauda skal
20 vera eit aldersvennleg samfunn der ein blant anna legg til rette for gode
21 møteplassar og aktivitet. Me vil at ein skal føle seg trygg, og eit av tiltaka er
22 førebyggjande heimebesøk det året ein fyller 77. Me ynskjer og fleire
23 leilegheiter nær sentrum slik at det vert enkelt å oppsøka aktivitetar og møte
24 andre menneske.

25 Høgre vil gje makta tilbake til deg. Me trur at samfunnet vert betre når kvar
26 enkelt gis større valfriheit og får bestemme meir over sin eigen kvardag. Me i
27 Høgre vil at Sauda skal bli ein ja-kommune som spelar på lag med folk,
28 frivilligheit og næringsliv. Saman gjer me Sauda til ein endå betre stad å bu,
29 vekse opp og leve.

30 **Kapittel 2: Helse, pleie og omsorg**

31 Sauda skal vere ein god stad å bu. Dei som bur i Sauda skal gle seg til å bli
32 eldre. For å få dette til, må me satse vidare på det som er vedteke. Me vil at folk
33 skal kunne bu heime så lenge dei kan. Det skal vera eit aldersvenleg samfunn
34 med gode møteplassar og variert utval av aktivitetar. Me i Høgre vil prioritera
35 førebyggjande tiltak for innbyggjarar i alle livets fasar.

36 **Sauda Høgre vil:**

- 37 - Ha gode og stabile løysningar på legetilbodet
- 38 - Innføre helsesjukepleiar for eldre
- 39 - Syte for at dei som ynskjer kan bu heime så lenge som mogleg
- 40 - Innføre tilbod om førebyggjande heimebesøk til eldre etter fylte 77
- 41 - Etablere fleire lågterskeltiltak etter modell av rask psykisk helsehjelp for å
42 auke både tilgang og tilgjengelegheit for befolkninga
- 43 - Utvikle godt samarbeid om helsetenester mellom det offentlege og det
44 private
- 45 - Gjera det enklare for det frivillige å bidra til fellesskapet
- 46 - Vidareutvikla jordmortenesta og helsestasjonen i Sauda, slik at nyfødde
47 og foreldre får ein god start og oppfølging
- 48 - Ha tett dialog med Helse Vest om korleis ein best mogleg kan utvikle
49 tilbodet lokalt, slik at ein hindrar unødig reising

50 Kapittel 3: Skule og oppvekst

51 For at born og unge skal få ein best mogleg oppvekst, er det viktig at barnehagar
52 og skule blir satsa på. Sauda Høgre vil arbeide for at elevane møter fagleg
53 kvalifiserte og dyktige skule- og barnehagetilsette. Det norske
54 utdanningssystemet er kanskje den største grunnen til at Noreg er i verdstoppen
55 når det kjem til likskap. Gode, kvalifiserte lærarar er innanfor dette igjen den
56 viktigaste ressursen me har. Det har i fleire år vore utfordrande å rekruttera nok
57 lærarar til Sauda, og dette er eit problem som me må ta tak i. Me må difor sjå på
58 korleis me bruker ressursane våre innan skule, slik at me best tek vare på elevar,
59 lærarar og andre tilsette ved skulane.

60 Sauda Høgre vil:

- 61 - Optimalisere ressursar på tvers av einingane i skule- og barnehage.
- 62 - Sørge for at alle barn har eit trygt og godt skulemiljø
- 63 - Tilretteleggje for at skulen kan arbeide systematisk for å fange opp og få
64 bukt med skulevegving – det skal vere kjekt å gå på skulen i Sauda
- 65 - Leggje opp til praktisk undervisning og tilrettelagte tilbod i skulen
- 66 - Få fleire yrkesgrupper inn i skulen, til dømes sosiallærar og
67 miljøterapeutar og BSVar (barnevernspedagog, sosionom og vernepleiar)
- 68 - Vidareføra og styrka kapasiteten i pp-tenesta som ein del av tidleg innsats
69 i skulen
- 70 - Satse på tidleg innsats gjennom heile skuleløpet, og sikra at retten til
71 intensivopplæring i lesing, skriving og rekning oppfyllast
- 72 - Prioritera og leggje til rette for at fleire lærarar kan ta etter- og
73 vidareutdanning, med fokus på basisfaga og spesialpedagogikk
- 74 - Fortsette samarbeid med fylkeskommunen som styrkjer den vidaregåande
75 skulen
- 76 - Arbeide for at det skal vere mogleg å ta desentralisert lærarutdanning i
77 Sauda

- 78 - Likebehandla offentlege, ideelle og private barnehagar for å sikra
- 79 mangfald i tilbodet og føreseielege og rettferdige rammevilkår
- 80 - Sikra at plikta til samarbeid mellom barnehagar og skular følgast slik at
- 81 overgangen for borna blir god
- 82 - Styrke fagpersonell innan psykisk helse for unge

83 **Kapittel 4: Bulyst**

84 Sauda skal vera ein attraktiv plass å bu. For å ta vare på eksisterande og nye
85 bedrifter og oppretthalde tenestene, så er det viktig å leggje til rette for at folk
86 fortsatt ynskjer å bu i Sauda, samt auke lysta for å flytte til. Me vil leggje til rette
87 for dette ved å ha gode tomter tilgjengelege, vere imøtekommande for tilflyttarar
88 og arbeide for at dei kommunale avgiftene ikkje skal vere høgare enn naudsynt.

89 **Sauda Høgre vil:**

- 90 - Ha ein langsiktig plan for bustadbygging
- 91 - Gi ut informasjon til personar som flyttar til Sauda som beskriv kva Sauda
- 92 kan tilby
- 93 - Aktivt følge opp studentar frå Sauda og informere om kva stillingar som
- 94 finst
- 95 - Fortsette satsinga på sommarjobbar der studentar får relevant erfaring
- 96 - Leggje til rette for bygging av nye, universelle, sentrumsnære leilegheiter
- 97 - Vera positive til oppretting av hundepark

98 **Kapittel 5: Næring og samfunn**

99 Sauda kommune skal vere ein god medspelar for det lokale næringslivet. Det
100 handlar om å sørgje for rask regulering, og nok areal til næringsutvikling. Me
101 må ha ein rask og effektiv saksbehandling i kommunen. Det handlar også om å
102 ha låge skattar og gebyr i kommunen. Ikkje minst handlar det om å vera
103 næringsvennlege, ta fram JA-stempelet der me kan, og samarbeide med det
104 private for å finna gode løysningar.

105 **Sauda Høgre vil:**

- 106 - Vera ein god samarbeidspartner med lokalt næringsliv
- 107 - Bidra til eit levande sentrum der kommunen og næringslivet spelar på lag
- 108 - Revidere gjeldande kommuneplan snarast med fokus på framtidig næring-
109 og bustadsareal
- 110 - Kommunen sin tilsettingspolitikk må gjenspegla mangfaldet i samfunnet
- 111 - Behalda heile faste stillingar som hovudregel, og utvikle
112 arbeidstidsbestemmelsar for å skape heiltidskultur i alle sektorar
- 113 - Leggje til rette for, og vera positive til kraftkrevjande industri

114 **Kapittel 6: Idrett, frivilligheit og reiseliv**

115 Samfunnet er heilt avhengige av det frivillige. I Sauda er idrett og frivilligheit
116 ein viktig arena for førebygging innan helse og livskvalitet- og gir tilbod til
117 mange born, unge, vaksne og eldre. Det motverkar utanforskap, og bidreg også
118 til inkludering, integrering og samhold. Me er her så heldige at det finnst eit rikt
119 og variert tilbod. Men det er då og viktig at dette blir ivareteke og møter ein
120 kommune som spelar på lag med det frivillige.

121 **Sauda Høgre vil:**

- 122 - Fortsette satsinga på Sauda som heilårleg reiselivsdestinasjon

- 123 - Arbeide for eigen reiselivsplan for Sauda kommune med ein klar
- 124 identitetsprofil og styrka markedsføring
- 125 - Jobbe for at frivillige organisasjonar får redusert leige i alle kommunale
- 126 samlingslokale etter gitte kriterier
- 127 - Vidareutvikle og synleggjere Frivillighetssentralen si rolle både i arbeidet
- 128 med å styrka det frivillige Sauda, og som bindeledd mellom kommune,
- 129 lag- og foreningar.
- 130 - Arbeide for at kommunen er behjelpelege med kompetanse til søknadar
- 131 og diverse til frivillige lag og organisasjonar
- 132 - Fortsette å vera positive til å forskottere spelemidlar til kvalifiserte lag og
- 133 foreningar
- 134 - Opprette fritidsbibliotek der ein gratis kan låne utstyr til aktivitetar

135 **Kapittel 7: Klima og miljø**

136 Sauda kommune må gå føre i det grønne skiftet, og bidra til ein klima- og
137 miljøpolitikk som kuttar utslepp og tar vare på naturen. Me skal ikkje stanse
138 utviklinga, men skapa grønne jobbar og moglegheiter for verdiskaping. Me skal
139 nå klimamåla med tiltak som monnar, ikkje symbolpolitikk. Tiltaka me gjer no
140 skal komme dei neste generasjonane til gode. Me skal vere med på å leggje til
141 rette for at folk kan ta grønne valg i kverdagen. Dette inneber også at politikken
142 til Sauda kommune skal vere til det beste for dei som kjem etter oss. «Setning
143 om grøn tråd»

144 **Sauda Høgre vil:**

- 145 - Velje klimavennlege løysingar i framtidige byggeprosjekt
- 146 - Velje klima- og miljøvennlege produkt og løysingar der dette er
- 147 tilgjengeleg og forsvarleg
- 148 - Arbeide vidare med sertifiseringa innan berekraftige reisemål
- 149 - Leggje til rette for fleire ENØK-tiltak i kommunale bygg

- 150 - Sauda kommune skal vera eit kraftsenter for grøen energi
- 151 - Sikra heilskapleg struktur og planar for grøntområde, gjennom å sikra
- 152 parkar og møteplassar, samt tilgang til fjord, elvar og bekkar
- 153 - Jobbe opp mot fylket slik at det blir samanhengande gang- og sykkelvegar
- 154 i tilknytning til fylkesvegar
- 155 - Kreve miljørekneskap i anbuds konkurransar
- 156 - Vere restriktive med å åpne for nye hyttefelt, vegar eller andre inngrep i
- 157 område som ikkje allereie er berørt

158 **Kapittel 8: Landbruk**

159 Om ikkje landbruket i Sauda er stort, så betyr det mykje for både kulturlandskap
160 og busetjing i bygda. Me har i tidligare periodar vist at Høgre i Sauda er på lag
161 med bonden, blant anna ved tilskot til nydyrking og ungskogpleie og arbeid opp
162 mot staten til ny tømmerkai. Landbruket treng vidare å bli satse på for å gå det
163 grøne skiftet i møte. Då er kompetanse og utdanning ein viktig del av dette. Her
164 har Vinterlandbruksskulen vore ein suksessfaktor, og det ynskjer me at den skal
165 vera vidare. Me skal også ta vare på den matjorda me har, og å byggje ned denne
166 skal vera absolutt siste utveg. I ei stadig meir uroleg verd skal me vera glade for
167 at bøndene i Sauda kan bidra til sjølforsyningsgrada med både mjølk, egg, kjøt,
168 ved og tømmer

169 **Sauda Høgre vil:**

- 170 - Jordvernet skal stå sterkt.
- 171 - Legge til rette for meir lokal matproduksjon
- 172 - Satse på vidareutvikling av skogdrift og leggje til rette for auka
- 173 produksjon av skog
- 174 - Vidareføra tilskotet til nydyrking og ungskogpleie
- 175 - Sauda kommune skal vera ein støttespelar for Vinterlandbruksskulen

176 **Kapittel 9: Samferdsle**

177 Mobilitet og framkommelighet er avgjerande for at folk skal få kvardagen til å
178 gå opp, og for at næringslivet skal kunne drive så effektivt som mogleg. Me må
179 jobbe fram løysingar som ivaretek alle sine behov, og som alle kan leve med.
180 Effektive og føreseielege transportløysingar er viktige for alle innbygjarar, for
181 skular og for næringsliv.

182 **Sauda Høgre vil:**

- 183 - Jobbe vidare for å realisere tunell Sauda-Etne
- 184 - Jobbe mot fylket for å bevare talet på hurtigbåtanløp
- 185 - Trygge og sikre eksisterande gang- og sykkelveggar
- 186 - Arbeide for eit breiare kollektivtilbod i Sauda og omegn
- 187 - Arbeide fram gode løysingar på utfartsveggar i samråd med grunneigar og
188 hytteforeiningar
- 189 - Me vil at vedlikehald av kommunale veggar skal vera høgare prioritert
190 gjennom heile året

191 **Kapittel 10: Born og ungdom**

192 I Sauda skal det vere rom for alle. Mange av tilboda me i dag har er svært gode,
193 men me vil alltid bli betre. Det me allereie har må bevarast og finslipast, og
194 potensielle nye tilbod må fram i lyset og leggst til rette for. Kommunen skal
195 vere ein støttespelar for eit mangfald av aktivitetar og tilbod som kjem barn og
196 unge til gode. Me må sørge for at alle kan vere med på noko, og at ikkje nivå,
197 økonomi eller funksjonsnivå skal vere ekskluderande faktorar.

198 **Sauda Høgre vil:**

- 199 - Meir opent i Saudahallen med tilbod for born og unge
- 200 - Ungdomsklubben skal vera open fleire laurdagar i løpet av året
- 201 - Jobbe for søndagsopent basseng i Saudahallen

- 202 - Kulturkortet blir vidareført som eit tiltak for inkludering og redusert
- 203 utanforskap
- 204 - Ha tett kontakt med skule, politi, helsetenester og føresette for å
- 205 førebyggje ukultur blant ungdom
- 206 - Ha ein stad der ungdom mellom 15 og 18 kan samlast på ettermiddagstid
- 207 eller kveldstid i helger

208 7 gode grunner for å røysta Høgre.

- 209 1. Høgre vil sikre ein berekraftig og føreseieleg kommuneøkonomi
- 210 2. Høgre vil sikre ein god skule med godt læringsmiljø
- 211 3. Høgre vil at folk skal gle seg til å bli gamle i Sauda
- 212 4. Høgre vil at det skal vera eit breitt og variert fritidstilbod til dei unge
- 213 5. Høgre vil vera på lag med jobbskaparane i samfunnet
- 214 6. Høgre vil at det skal vera ein bustadmarknad for alle
- 215 7. Høgre vil ta vare på den mangfaldige naturen i Sauda